
Scheibenschlagen

2003

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huira d'Grafer dron.

Fam Hotz Oskar Edith

Die Sicherheit in der Nacht tuat die zwei wie fast an jeda plaga,
wia viel inbrocha wert braucht ma ja nit sogä.
Viel Licht mit Bewegungsmelder sei ums Haus installiert,
dass es kuan Gauner mia intressiert.
Sett dei Licht den Verbrecher decht nit vertreiba,
nocha wirf ihm noch a glühende Scheiba.
An Böller oder a Raketa wera miar iatz no spendiera,
noch set enk kuan Strolchi mia segiera.

Hotz Hannes

D'r Hannes sieht ma fast lei im roata Gwand,
er isch beim rota Kreuz a guati Hand.
Des Jahr Zivildienst isch iatz bald vorbei,
des war wohl viel sinnvoller wias Heer des glob i dir glei.
Bei der Fuirwehr tatta mir di dringend braucha,
drum jaga miar iatz no a Raketa aucha.

Hotz Lydia und Beate

Lydia und Beate tia gera renoviera,
nocha braucht ma si nocha vor niemand scheniera.
Die nui Haustür ladet ein an jeden Gast,
er set ja macha a langi Rast.
Enker Haus isch alle sauber und gepflegt,
weil der Fremde ja viel Wert drauf legt.
An Böller tia miar iatz no schieaßa,
tiatz ins no die Gäst schia griässa.

Fam Hotz Raimund Monika

D'Monika und der Raimund haba die Schi WM in St. Moritz interessiert verfolgt,
da haba die Österreicher viele Medailien kohlt wie Silber und Gold.
Fast jedes Renne haba sie g'seha,
weil lei wenn ma live am TV dabei isch kann ma si wirkli gfrea.
Iatz isch ja des Spetaker vorbei,
aber beim Weltcup isch ma ja interessiert dabei.
Zum Schluß,
gibts iatz no an Böller Schuß.

Hotz Martin

Voar kurzem hat dar Martin eröffnet a kluans Hotel,
a Zimmerli mit Frühstück, und dar Service isch prompt und schnell.
Er hat sich denkt bei ins lebt ja sowieso jeder vum Fremdenverkehr,
iatz tua i mar grad ou nou a paar Fremde hear.
A Schild steht an dar Straß dass mas ja guat sigt,
dass'as in Graf iatz a Luxussuite zum vermietet gibt.
Zum Schluss mecht miar Feuerwerhlar im Martin recht herzlich danka,
bei der Renovierung der Feuerwehrrhalle hat'r viel Zeit investiert und ou an Haufa
Gedanka.
Für deas hearsch iatz an Böller kracha,
und vergiss nit, deas Jahr sein ou nou an Haufa Socha zum mocha.

Schröcker Franziska

Franziska dia miar hiura erschtmal begriässa,
und tia glei dei ersti Scheiba schießa.
Am Wochenend geht sie in Landeck fleißig aus,
da kennt sie viele Buaba weil sie ischja a liebe Maus.
Heint tia miar dir noa a Raketa spendiera,
hoffatli ken a mir bald zum Führerschein gratuliera.

Fam Schröcker Hermann Elfriede

D`Frieda hat huara an nuia Sport entdeckt,
da hat sie viel Zeit und Mut ia steckt.
Des Schwimma macht ihr iatz viel Spaß,
sie verbringt gera Zeit im kalta Nass.
Iatz konnsch di ruhig weiter ins Wasser icha woga,
und zudem brauchsch kuan Schwimmrofa mia troga.
Miar bewundern dein Mut und gratuliera,
und lassa iats no a Raketa auchamaschiera.

Schröcker Evelin

Evi isch wieder inGraf seit geraumer Zeit,
des hat ins glei wieder gfreit.
Weil iats Winter isch bleibt viel Arbeit vor am Haus,
da schneebat Evi sogar da Gehsteig aus.
Die Gemeinde kimmt o nit alli glei mit dem Fräser daher,
D`rum danka mir dir für die nette Geste ser.
An Böller und a Raketa lassa mir iats schnella,
vielleicht wissa miar näch´scht Jahr epas nuis dr´zähla.

Asia Cafe

Des Asia Cafe will epa erweitern,
aber i glob des isch nach am Aushub schua beim scheitern.
Des Loch isch fascht so groß wia für a Haus,
epas wera sie schua macha draus.
Diat ins rechtzeitig informiera,
nacha kenn`a mir des o no inspiziera.
An Böller und an Schnell,
wir bleiba auf jeda Fall am Ball.

FA Streng

Fa Streng tuat da Fuhrpark ständig modernisiera,
weil nocha kann ma ersch richtig mitkonkuriera.
Jede Maschin isch mit Strengbildla bepickt,
dass jeder glei woas wer den Fahrer schickt.
Kaum a Straß im Bezirk wo er isch nit dabei,
drum kennt ma den Ort Graf, überall o glei.
Miar wünsch a viel Schotter und Kies im nuia Jahr,
drum lassa miar a Raketa fliega wunderbar.

FA Jais Werkstätte

Wie jed's Jahr kann ma lei stauna wenn ma sei Auto zur Firma Jais fahrt,
di Winterroafa sein schnell und sauber montiert.
Da gibt's kua lange Wartezeit,
deas isch oft vu Vorteil vor allem wenn's grad schneibt.
Die Leit sein freindlich, zuverlässig und nett,
es hat nou kuaner an Grund zur Beanstandung ket.
Dass deas sou bleibt schлага mar a Scheiba ausa,
dass ou in deam Jahr an Haufa Leit zur Firma Jais icha brausa.

Heimhilcher Franz Friedrich + Elisabeth

Franz und Elisabeth weara den Brauch no nit kenna,
drum lossa miar iatz no a Scheiba onbrenna.
Kaum hat's enk tunkt fein im Haus
rinnt schua s'Wasser beim Rohrbruch nebeaus.
Dass enk so a Mahleur not noamal passiert,
iatz a Raketa auamarschiert.

Matt Caroline

Karoline derfa miar huira erstmal begrießa,
und wera dir glei a Scheiba ocha schießa.
Sie tuat in Landeck beim Greuter Lehr absolbiera,
am Abend tuat sie für die Führerscheinprüfung studiera.
Hoffentli wersch du des alles guat besteahn,
drum lassa miar iats no an Böller abgeahn.

Petter Johann

Inser Joschi isch der beschte Fussballreservist
wer hat des von ins vorher gwisst.
In Söden beim Turnier, tuat dr Gegner überlupfa
an Volleyschuss und da Ball dabei ins Tor icha schupfa.
A kloans Wohlstandsbäuchli hat er fleißig im Fitnesscenter abtrainiert,
wenn die Kondition haltesch bisch beim Turnier wieder dabei - garantiert!

Fam Matt Egon Annemarie

Miar lossa iatz an Böller krocha,
und drzähla vom Egon und seine Socha.
Sein Hund tuat er fleißig trainiera,
und kann nocha schiane Preise abkassiera.
Wenn insere Frauata tata ou so folga wie dein Hund,
deis war für ins Fuirwehrmander bsunders gesund.

Matt Andreas

Dr Andi tuat sie bei dr Fuirwehr nit viel engagiera,
viel lieber mit da Madla umaprobiera.
Sei Auto schaut aus wie an morz Bolide,
derweil isch as an Opel mit ama normala Getriebe.
Wenn deine Sturm und Drangperiode isch vorbei,
beir Fuirwehr war oh an Arbeit für di dabei!

Spiß Roland

Als leidenschaftlicher Golffahrer isch ins der Roland bekont,
da sieht man nit nu in Tirol sondern ou im Kärnter Bundeslond.
Beim Golfreffen am Wörthersee stellt er jeds Johr sein VR6 zur Schau,
und wer da mitfohra darf deis isch a fesche Frau.
Manuela hoast sie und wohna tia sie im Prantauerhaus
mit Veranda und Swimmingpool da hebt mas schua aus.
Vielleicht loadat's ja d'Fuirwehr amol zur a Poolparty in
drum isch die negscht Scheiba schua im Fuiar drin.

Fam Matt Richard Rosi

Der Fasching in Venedig isch weltbekannt
nur 2 Maska bleiba huira unbekannt.
Des Rätsel isch glöst, der Beweis erbracht
dr Richard und d'Rosi haba kurzfristig Urlaub in Venedig gmacht.
Im Summer tia di zwoa in Garta umbaua,
da kenna mir lei mia groß schua.
In dem Biotop habet's iatz a Ruah
und niemand schaut enk beim Sunnala zua.

Matt Christian

Auerheart di negscht Scheiba hat im Matt Christian keart.
Dr Christian hot an morz Karrieresprung gmocht,
den hot nämlich a nui Arbeit anglocht.
Mit Sakko und Kravattta siaht man iatz in der Stadt umastolziera,
deis isch'm wahrscheinli liaber als Salatpfletscha umafiara.
Fesche Klamotta sal braucht ma holt,
wenn uam zahlt d'Hypobank da Geholt.
Vum Lieferant zum Bänker deis hott ou nit a jeder gschofft
und desweaga iat's nou an Böller krocht.

Maidel Wilfried

Dr Willi isch dafür bekonnt,
er flickt alla Auto im gonza Land.
Damit er kimmt zu a paar Versicherungsjahr
geht'r zur Abwechslung arbeite deis isch ja klar.
Wieso machsch denn nit a Meisterprüfung mit deim Talent
und meldesch an deine Techniken als Patent.

Maidel Johann

Iatz lossa mar nou an Böller krocha,
vom Johann wissa miar gar it viel Socha.
Mir hoffa es geat dir guat,
dass die s'Leiba nou long gfreia tout.

Hauser Gerald Maaß Birgit

Fürn Gerald und Brigitta lassa mir glei an Böller krocha,
weil di tian s'erschtmal von der Sprichlalista locha.
Dia Scheiba tia mar ou no weit außaschiaßa,
miar hoffa es tiats s'wohna in Graf genießa.
Vielleicht kenna mar s'hegscht Johr a paar Blödsinn von enk dargneißa,
daß mar en kenna saggrisch verreißa.

Fam Schmid Robert Monika

D'r Robert hat sein Garta alli gepflegt beinand
der Roasa isch 6 mm hoach i gloab der schneidet'n vo Hand.
Der Zau isch mit nuier Farb imprägniert,
dass es kuan Hoklzwurm mia interessiert.
Sinscht gibt's nit viel über enk zum Berichta,
drum hera miar iats auf mit'm Dichta.

Fam Nitsche Kurdoglu Gerald Brigitte

D'r Gerald hat a nagel nuis Atelie heabaut,
da hat ganz Graf nu mia so geschaut.
Viel Holz und viel Fenster hat des moderne Haus,
vo aussen schaut's ja bärig aus.
Am Abend brennt da alli Licht,
wias da die Leit grad zucha ziacht.
Alles guate im nuia Objekt,
wünscht die Löschgruppe Graf mit am Glasli Sekt.

Horvarth Iris

Iris , wo tuasch du denn alli bleiba,
eppa dia meischte Zeit in Tarrenz beim Freund verweila.
Dei guate Hand in der Malerei isch bei Insidern bekohnt,
aber no nit im gonza Lond.
Setesch amol wella in d'Öffentlichkeit gia,
Fuirwehrhalle tat für die alli offa stiah.

Horvarth Heidemarie

Heidemarie wo trifft ma denn die ?
Secha tia mar die nua im Mr. Johns sonst nie.
In'd Schual foahrt sie mitm Zug auf Innsbruck
und kimmt erscht wieder am Abad zruck.
In der Grafik isch sie im Element fürwahr,
mir schloga dr iatz no a Scheiba aua eh klar.

Fam Horvarth Erich Elisabeth

Vom Erich tia mar huria nuit drfoga
mir hoffa er muß nit zviel mit der Schüler im Gym sich umaploga.
Du bisch ja inser Meister mit Feder und Kiel,
toll war insere Fuirwehrmanschaft auf Papier mit deinem unverkennbaren Stil.
So a Bild tat sie in der nuia Fuirwehrhalle guat mocha,
mir lossa dir auf jeden Fall an Böller krocha.

Horvarth Thomas

Vom Thomas wissa m'r huira was neues z'berichta
den tuat man iatz alli öfters in Jenbach sichts.
A Freindin hosch d'r deart anglocht,
drum hasch alli öfters die Reise ins Unterland gmacht.
Thomas oans musch ins iatz schua no saga,
wie lang tuasch di mit deiner nuia Freindin schua umchaploga.
Weil mir haba keart sie geht mit ihrem Kind schon seit 1 Jahr spaziera
und wie lang tuasch du sie schua in Jenbach umchakutschiera?

Horvarth Martha

D' Martha tia mar iatz begrießa,
und die Scheiba weit ocha schießa.
Sie tuat alles hega und pflega ums Haus
drum schauts ou alli recht ordentli aus.

FA Wille Egon

Wie jedes Jahr mecht mar die Firma Wille loba,
wenn d'Fuerwehr eppas braucht, haba sie alli a offens Ohr und miar kenna als hoba.
Die Leit sein freindlich und hilfsbereit,
und für d'Grafer und Gurnauer ischas nit weit.
Für dia guate Zusammenarbeit mecht mar enk huir a Rakete aucha joga,
und für enkarn Service recht herzlich dankschian sogä.

FA Wille Harald

Ja mei, was wella mar übern Harald nuis schreibä,
ma heart nit anders, als dass'ar tuat s'Gschaft voran treiba.
Wenn am eppas schieft loaft nacha waert'r eppa schaua dass'as kuaner heart,
damits nit a Jahr drauf im Scheibaschlaga Sprichli steaht.
Miar winscha dar a guats Gschaft in negschtar Zeit,
für deas haua mar dar iatz dia Scheiba ausa ganz weit.

FA Wucherer Heinz

Miar hoffä, di Firma Wucherer tunkts in Grof do recht fei,
ober an Zaun umadum, des muaß sei.
Dazua weart a mords Beleuchtung gmocht,
damit niamand umastrialt in dr Nocht.
A Raketa loss mar weit aua singä,
deis Jahr set enk a guate Auftragslog bringä.

Milic Bogoljub u. Gorica

In Milic Bogoljub und Gorica tiam mar huirä s'earscht mol auf der Lista begriaba
und dia Scheiba weit aua schiaba.
Enke nue Wohnung tat ins schu amol interessiera
dia kennts inz jo nocha beim Kassiera präsentiera.
Mir hoffä es tiat's negscht Jahr a paar Blödsinn mocha,
drum lossa mar no an Böller krocha.

Knabl Erika

Ob's Wetter isch schiach oder schiah,
sieht ma d'Erika z'Fuab auf Pians icha giah.
Mit Kind und Kegel sieht ma sa sausa,
wenn's sei muaß ou zum Inkoufa auf Londegg auBa.
S'lentscht Jahr hoba si sich a tolls Auto kouft,
iatz weara mar schaua, ob si olli no so geara louft.
Dia Scheiba tia mar weit auBa treiba,
Erika, tua nu weiter so sportli bleiba.

Pammer Herbert Kathrein Anni

Beim Herbert und bei dar Anni kenna mar nit viel nuis berichta,
jed's Jahr heart ma die gleicha Gschichta.
Nu vum Herbert die Taxler dia nehmas nit aso genau,
er hat ab und zua an Schada auf seine Auto drau.
Herbert, deas darfsch nit aso ernst nehma,
wichtig isch lei dass d'Fahrgäst pünktlich an ihr Ziel keama.
Und sall isch wie ma heart alli dar Fall,
da kannsch ruhig amal überseacha aso an kluana Knall.
Viel Glück im negshta Jahr und and Haufa Gschäft,
stell weiter z'freida wie bis iatz deine Fahrgäst.

Koch Helga

D'Helga, von Beruf Pharmareferent,
war vor einiger Zeit mit ihrem Latein am End.
Sie steigt aus'm Auto und haut d' Autotür zua,
aber eppas stimmt da nit, deas lat ara kua Ruah.
Die Tier isch gesperrt und dar Schlüssel isch im Auto drin,
Da halft kua Ziacha und kua Rittla, deas hat als kuan Sinn.
Es hat nuit g'holfa, dar ÖAMTC hat miaßa keama,
Helga, s'negscht mal muasch da Schlüssel schua glei mitneahma.

Seiler Thomas

Vum Thomas kannt ma huira fast 2 Sprichla dichta,
so viel ham mar dafragt und wissata mar z'berichta.
In Hotels kann man finda weil da tuat'r massiera,
aberdeas isch nit als, er tuat auf d'Nacht ou nou Zeitunga ausfiahra.
2 Jobs auf uanmal deas isch wirklich viel zum tian,
ober im Paznaun drin, wou die Zeitunga verfiahrt, ischas ja schian.
Zum Schluss haua mar a Scheiba ausa,
und Thomas, vergiss beim viela arbeita nit auf deine wohlverdienta Ruhepausa.

Fam Thurner Udo, Evelin

Dar Udo isch an viel beschäftigter Mann,
dear isch alli fleißig am Erfolg seiner Firma dran.
Aber brennt in dar Fuierwehrhalle amal a Licht,
kriagt ma in Udo decht amal z'Gsicht.
Beim Umbaua hat'r insre Buaba so manchsmal an Ratschlag geaba,
und wenn amal a Fesch isch, nacha kimmt'r ou vorbei und tuat mit ins uan heaba.
Im negshta Johr weara mar sicherlich so manchsmal dein Rat braucha,
da kimmt sicher dar uane oder andere amal zu dir aucha.

Petter Hedwig

Wos sella mar vur Hedwig schreiba,
ma heart kaum wos sie tuat treiba.
Aber dar Grund für deas kannt ou sein,
D'Hedwig tunkts im Bett drin fein.
Schlofa kann sie oft schua um 5e auf d'Nacht,
ob deas d'Arbeit in dar Psycho-Hygiene isch was sa so miad mocht?
Iatz hua mar a Scheiba auf insar Brett drau,
aber miar machas leisa und hoffa, miar wecka di nit au.

Fam Ruetz Markus

Die Christine hot voar einiger Zeit beschlossa eppas nuis zum tian,
und bleibt beim überleaga bei am Studium stiahn.
Theologie deas tat sa interessiera,
sie überlegt nit long und fangt deas an studiera.
Aber die Zeit geiht schnell vorbei und iatz isch sie schua fascht am End,
ob sie iatz alla Bibelstella auswendig kennt?
Miar winscha dar an erfolgreicha Abschluss aber deas wearsch du schua mocha,
drum lossa mar dar iatz an Böller krocha.

Moschen Anni

D'Anni siegt ma viel spaziera giahn,
deas isch sicher ou recht schian.
Deas belebt Körper und Geist und isch vor allem Gsund und schian,
und für a Ratscharli bleibt ma ou amal geara stiahn.
Dass dar geiht sou guat nou lang,
schiaßa mar an Böller, hearsch in Klang?

Scheiber Sabine

D'Sabine war schwanger wia viele wissa,
ja aso a Kind deas will halt fascht niamand missa.
Di Überraschung war groaß wo sie darfragt hat eas keama glei zwoa Kinder auf d'Walt,
da habara am Anfang sicher die Worte gfaht.
D'Arbeit weard durch deas zwar ou mia weara,
aber bei zwoa selcha Madla tuat d'Sabine deas nit steara.
Für dia Leistung hua mar iatz a Scheiba ocha,
und lassa ou glei an Böller krocha.

Kirschner Katharina

Wenn ma bei dar Kathi schaut ums ganze Haus,
da schauts immer gepflegt und sauber aus.
Dean Garta hat sie guat im Griff,
und gibt'm mit an Haufa Bluama in letschta Schliff.
Miar winscha dar a gsunds Johr 2003 und viel Glick,
drum lass mar dar iatz an Böller krocha ganz dick.

Nöbl Ferdinand

D'r Ferdinand tuat des Obst im Herbst fest ploga,
drum hat er für Frau a guati Baumschar koaft und a Soga.
Romana hat miassa an Baumschnittkurs absolbiera,
dass die Baum an Fruchtbarkeit nit verlieria.
Die Bamla sei iats g'stutzt und grichtet,
miar hoffa, die Ernte 2003 im Herbst isch nit gonz vernichtet.
An Böller lassa mir iats no grocha,
dass die letzta Engerling no dr'wacha.

Nöbl Anna

D' Anna hat si nui Winterschuach zuglegt,
die haba glei guat passt,des hatsa bsunders gfrett.
Wer so guati Schuach hat braucht si vor a groußa Bergtour nit drucka,
da sei si glei auf Erli aua ohne Grucka.
Die Zechá haba sa glei a mal onfanga plaga,
bluatigi Zechanegl tia nett weh des braucht ma ja kuam sogá.
Der Fehler an dera Gschicht war bald entdeckt,
da isch no a drum Zeitung im Schuach dinna g'steckt
Anna dass ins nächst mal des numma passiert,
iats no glei a Raketa aua maschieret.

Nöbl Thomas

Was setta mar übern Thomas berichta,
wia ma heart isch'r lei beim orbeita und Paletta schlichta.
Aber s'uana und s'ondere mal sigt man decht im Johns dausa hocka,
und die holde Weiblichkeit zu sich ocha locka.
Sei Freindin kimmt aus Landeck heart ma d'Leit sogá,
vielleicht bringt'r sa ja mit zum Scheibalschlaga.
Für deas Johr winscha mar dar viel Gesundheit und viel Umsatz in St. Anton douba,
dass dein Chef ou amal an Grund hat die zum Loaba.

Nöbl Hannes

Da Hannes hat´s letzta Summer nach Prag verschlaga,
aber er hat fast miaßa, in letzter Minute, die Reise absoga.
Im Zug hat er nocha alla Farba gspielt,
er hat numma globt, dass er Prag nomal sieht.
Die Zugfahrt hat er recht guat hinter sich bracht,
da hat ihm im Gasthaus glei an Schweinsbrata anglacht.
Hop oder drop hat der Hannes sich gseht
und hat sie glei über die fette Mahlzeit gfre´t.
Die Rechnung isch voll aufganga,
er hat sie am nächsta Tag wieder guat dr´fanga.
Hannes tua dr´nächst mal an Saltbrennta in tascha stopfa,
nocha isch d´r glei besser nach am Tropfa.
Iats lossa miar no a Raketa kracha,
Hannes mach ins nit öfter selcha Socha.

Fam Schlatter Engelbert Stefanie

Dar Engl und Stefanie haba s'letscht Johr an Haufa nuie Geräte anschaffa,
miar hoba keart, bei deana elektrischa Geräte tuats öfters krocha.
An nuia Kühlschränk und an Herd,
an Staubsauger, a Nahmaschine ja sogar an nuia Dunstabzug iatz dar Stefanie keart.
Stefanie, woasch was ins interessiert?
Isch deas Zuig wirklich hin gwesst, oder hosch du a bissli manipuliert?
Weil a guate Ausstattung will ja jeder hoba,
dass im Jahr 2003 nit als hin geahrt, schiaßa mar dar iatz a Scheiba ocha.

Schlatter Harald

D'Harry hott s'letscht Jahr d_Freid am Lastwagefoahra verloara,
drum isch ar wiedr Mechaniker gwoara.
Aber nit für Auto oder Landmaschine,
sondern für Motocross und Rennmaschine.
Der Bikershop in Pfunds hat dringend epan braucht,
der was für ihn die Motorradla uma schrauft.
Drum isch er iats beim Aschacher douba,
und ma heart gonz Pfunds da Harry loubu.
Ob an Ölwechsel an Motorschada oder a Sevice isch zum macha,
dies isch fürn Harry kua Problem deis kostat'n höchstens an Locha.
Nur bei dr Maschin vo sei Freundin tuat er si a bissli schwar
da isch sei Zeit aufumal rar.
Drum sieht ma d'Melanie ou öfter in Pfunds douba stiah,
und mit'm Schraufaziechar aus der Werkstatt außa gia.
Und daß dia Orbeit ou weiterhin tuat dei greaschts Hobby bleiba,
schloga mar iats für di nou a zwoate Scheiba.

Dsubanka Maria

Midl, hasch amal a Arbeit und tatasch a paar Mandar braucha,
miar vu dar Fuiwehr keama geahra zu dir aucha.
Miar winscha dar als Guate und vor allem Gsundheit,
und zum salla iatz an Böller auf Graf außa schreit.

Kobler Jasmin

Orbeita tuat d'Jasmin in Innsbruck dunta
und draht oll Tog mit'm Zug ihra Runda.
Ober si hot mit ihrem Job no nit gnuah,
und mocht bei Wifi glei no an Kurs dazua.
Du wearsch wella a mords Karriere mocha,
d'Fuirwehr losst dir dafür an Böller krocha.

Kobler Maria

Mit'm roate Volvo sieht ma si umchaflitza
od'r bei ama Ratsch'r am Bankla sitza.
S' Fernsehprogramm kennt sie genau
und draht bei „schian und reich“ dean Kosta au.
Gsundsheit winscha miar Dir on erster Stell
drum lossa miar nou an Böll'r vom Gstell.

Fam Traxl Richard Frieda

Dia zwoa stella, s'gonz Johr nuit on,
dass ma sie bam Scheibaschloga verreissa kann.
D' Richard hot alluan dahuam miaße verdriassa,
weil d'Frieda ins Spitol hot ochamiassa.
A Raketa lossa miar iatz nou sing,
dia sett enkt Gsundheit und d'r Frieda guate Besserung bringa.

Fam Plattner Wolfgang Angelika

Der Plotz isch holt rar um's Haus
do geat si um's Verrecka kua Garage nit aus.
Weil a Garage für d'Auto aber keart,
bauta si di Plattners kurzerhand unter d' Eard.
Ba Minusgrad weart gschaufelt und ghockt,
da schausch grad, was an Finanzler alles pockt.
A Garage mit Luxusausführung deis isch kuan Schmäh
wenn' pressiert gibt's do drin sogar a WC.

Fam Haslinger Hans Gertrud

Mit'm Hoslingers Hund isch dös a Soch,
dean d'rholta sie fosch gor nit in Schoch.
D'r Hons und d'Gertraud tata si's liaber gmiatlicher mocha,
nu d'r Elan vom Hund treibt die tollsta Socha.
D'r Hons weard's sicher nou bis zum Domnteur bringa
Drum lossa miar ou nou a Raketa singa.

Fam Winkler Franz Kreszenzia

Dia Nocktschneka im Garten sein für Kreszenzia a mort's Plag,
mei, war deas schian wenn die sein weg mit uam Schlag.
D'r Franz denkt sich, i tua decht nit salt hinter dena Schneka herlofa,
sondern besser a paar Anta kofa.
Die Schneka sein für die Enta an Genuss
so sett die Plagerei glei hoba an Schluss.
Lei die Enta tian nit die Schneka im Garten nachjaga,
sondern viel lieber in d'r Neadr sich gegenseitig plaga.
Franz, am besta tuasch d'r an große Zaun um dein Garta aubaua,
damit die Anta numma kenna in die Neadr abhaua.

Fam Senn Arnold Ursula

So manchs Geräusch im Haus tuat da Arnold ploga
wos kannt dös sein, tuat er z'Nocht d'Ursl frog?
Do bricht eppar, muant er, a Fenster off,
wort lei, denkt er si., -- deam gib i Stoff
Im Haus draht er mit der Taschalompa seini Runda
hot ober überhaupt nuit g'funda.
Im Klo hot er nocha da Brota grocha,
d'rweil sei döt d'Fliesa vor Wond weckbrocha.
Als guat'r Hondwerker isch d'r Noldi jo bekonnt
drum pickt er sicher wieder dia Fliesa on d'Wond.
Am Schluß streichsch nocha no d'Fuga zua,
nocha kennts wieder ruhig schlofa und hobt's im Bett enk'r Ruah.
An Böll'r lossa mir ober trotzdeam krocha,
weil dear Krawall wird enk kuani Sorga mocha

Senn Petra

Petra secha mar ou in inserer Runde
di hat eppa an Huimweh no it gonz überwunda.
Dass ab und zua amol vorbeischausch secha miar gera,
drum tia mar dir und deim Schatz ou a Scheiba beschera.

Senn Evi

D'Evi muss seit letztem Jahr a poor mal in der Wocha nach Innsbruck fahra,
drum isch sie o ganz umweltbewusst gwora.
Damit sie sich nit muss im Innsbrucker Verkehr umchaploga,
tuat sie ihr Auto am Landecker Bahnhof zwischalagara.
Lei wenn ma nach so am anstrengendem Tag wieder in Landeck ankimmt,
kann schoa mal passiera dass ma sein Schlüssel fürs falsche Auto nimmt.
Evi, damit dei Auto tuasch in Zukunft alli glei darkenna,
tuasch d'r auf Motorhauba a großes „E“ auchibrenna.

Fam Senn Werner Brigitte

So an Audi Kombi isch an Traum
nit zuletscht wega seim Kofferraum.
Do hot er an Haufa Plotz,
nit nu Mull und Hund und Kotz
konn dr Werner transportiera,
na, der Kofferraum taugt sogor zum Kinder fahra!
Olla, dia er auf'm Rücksitz nit unterbringt,
dr Werner kurzerhond auf sei Lodefläche schwingt.
So fohrt er zu 7. auf Seefeld aucha,
no zwoa drzua und er tat olli no kua Taxi braucha.
Für wos hot ma denn ou Jus studiert,
wenn ma nit di ua oder onder Gsetzeslucka ausprobiert!
Werner, wenn mar mit dr Fuirwehr amol in Ausflug fohra,
leich ins dei Auto, nocha kenn mar ins da Bus drspora.

Senn Anna

D'Anna mog geara a bißli Geselligkeit,
und geiht ou fleißig unter d'Leit.
Dia Nommitog im Sannastüberl kema ihr grad recht
auf Pians isch nit weit und an Huangart braucht ma decht.
Si isch ou dabei, wenn si a Fahrtli mocha,
weil do gibt's olli eppas zum Schaua und ou zum Locha.
Anna, tua s'Leba genieße, ou wenn's do und det a bißli zwickt,
drfür weart dia Raketa weit in Himmel aucha gschickt.

Walter Berta

A Feschтли isch ongseat b'r Berta auf d'r Soga
z'gleich tuat sie ob'r an Roahrbruch ploga.
Deas war holt nacha s'greaschte Gfrett
wenn an Gast auf's Klo giahn sett.
Und wenn dir deas no am Wochenende passiert
nocha bisch mit dem Malheur sauber laggirt.
Miar lossa dir nou a Raketa singa
weil so eppas kann passiera und sett di nit aus d'r Fassung bringa.

Fam Walter Markus Sybille

Wenn's drum geiht, a Prüfung z'mocha
tia si dr Markus und d'Sibylle gegaseitig ocha.
Dr Markus strebert auf'n Krankapflegar dunta in Wia
deweil woäß d'Sibille dahuam genau was tia,
die Muaschterprüfung deis peilt sie an,
vielleicht weil dass si a Friseurgeschäftli offmacha kann.
Iatz lass mar no an Böller krocha,
vergesst's nit, es gibt nebam Lerna no andere Socha.

Schütz Manuel

Müll, Moped, Militär
sag Manuel gibt es do no etwas mehr.
Müllplatz londauf - landab
dr Manuel fährt sie alle ab.
Er halft den Schrott sortiera
und Wertvolles mit'm Moped huamfiara.
Lang weara mir di numma secha am Mullplatz stiah,
wearsch eppa gleiamol zum Paras giah.

Fam Schütz Erwin Christine

Bam Erwin und d'r Christine muaß ma nu grad schaua
wia sie da gonza Summ'r vorm Haus eppas baua.
Gwoara isch dös ob'r a wundscherschiani Soch
ou für D'Auto steiht iatz a nuis Doch.
Nu bam nui onlegta Gorta hoba sie a bissli a Plog,
weil jedi Kotza a frisch Eard geara mog.
Dia Kotza vor Soga hoba si holt denkt,
a nuis Gartli zum wiala kriagt mit nit oll Tog g'schenkt
Zum gelungana Werk miassa miar nu gratuliera
und selbstverständli soll ou nou an Böll'r krepiera.

Fam Haag Sabine u. Peter

Da Peter und d'Sabine tunkts in ihrem Heisla recht fei,
aber dr Platz umadum kann nit groß gnuag sei.
Der Zaun und das Meierli miaßa weck
bold steahts schua wieder am nuia Fleck.
An LKW voll Humus aufgeschüttet und glei ingsaht
drei Woche spater weart schua s'earschtmol wieder gmaht.
Peter geaht dr bei dir doba d'Orbeit aus,
miar hatta an Haufa zum Saniera im Fuirwehrhaus.

Pfisterer Bernd

Fürn Bernd hat an nuier Abschnitt in seim Leba angfanga,
weil er isch s'letsch Johr in d'Pension gonga.
Aber beim darhuam hocka isch'm glei omal langweilig gwoara,
für die Abwechslung kannt ma ja umanander fohra.
Aber mit am alta Auto isch deas ou nit schian,
viel besser wars, tat a nuis Auto voar dar Haustier stiahn.
Gesagt getan, er hot sich auf d'Pension a nuis Auto zua glegt,
iatz steht an nagel nuier Mercedes beim Bernd voar dar Garage det.
Bernd, falsch di amal vertuasch im Straßaverkehr,
Vergiss nit, wia die heilige drei Kini alli hinterm Steara her.

Pfisterer Peter

Iatz lossa m'r a schiani Raketa marschiera
und tian im Peter zur Hochzeit sagrisch gratuliera.
Im Mai wor die große Feirerei
an Haufa Verwandte und Bekannte wora dabei.
D'Feurwehr wünscht d'r alles Gute und lossa an Böller krepiera
damit miar die in Graf-Gurnau nit ganz verlierera.

Pfisterer Dieter Köhler Christine

Christine halft am Bernd in Haushalt koordiniera,
sinsch sieht ma sie öfter in Gurnau mit dem Hund spaziera.
Bei enk tia mar inz huira schwar beim Dichta,
weil mar einfach nix wissa zum Berichta.
Zum Schluss lossa mar enk an Böller krocha,
s'negscht Johr wissa mar hoffentlich bessere Socha.

Fam Carpentari Reinhard Marlies

Der Reinhard isch in seim Handwerk recht geschickt,
drum hat er ins in der Fuirwehrhalle an nuia Boda ia pickt.
Er hat des gmacht sauber und schian,
ma kann auf dem Boda super gian.
Er legt den Belag gratis bis hinter Schank,
dafür sei inser Lob und groaßa Dank.
Die schianste Raketa wer a mir dir heind spendiera,
Mir hoffa du wersch ins no halfa Fussleista montiera.

Fam Carpentari Sandrino Rosmarie

D`r Sandrino hat letzt Jahr Wohnzimmer renoviert,
aber da Lichtschalter hat er bis heind no nit montiert.
Rosi hat no vielmia macha wella,
aber des wert ma nit so schnell d´rstella.
Dem Sandrino fahlt ganz uanfach die Zeit,
weil der Jürgen braucht ja o a paar Leit.
Kimmt die Feuerwehr zum kassiera,
wera miar des mit dem Schalter kontrolliera.

Fam Carpentari Reinhard Michaela

D`r Reinhard sieht ma hinterm Haus öfter grilla,
er weart da Kinder und der Frau da Hunger stilla.
Um des Grillplatzli no perfekt vollenda,
muaß sofort eppas her gega´s blenda.
No am gleicha Sunti hat ma die Markiesa montiert,
weil bis Manti woarta hat da Reini nit intressiert.
Unter Dach schmeckt des Würstli 3-mal so guat
iats fliegt no a Scheiba aus der Gluat.

Carpentari Jürgen

Mit 25 Jahr alli no dahoam wohna isch ou kua Leba,
da hat sich d`r Jürgen denkt deas Haus vom Vater weart woll nou an Stock heba.
So a Wohnung isch gar it so leicht zum konstruiera,
drum hat d`r Jürgen in ganza Tag missa die Leit auf d`r Baustell instruiera.
Geba hat`s olli a saggrische Marend,
da hatsch vo lauter Zeug und Socha bold braucht dritte Zeand.
Heuer tuasch es beim Kajaken aber ruhiger angiahn,
sinsch musch wieder auf d`r Baustell mit`r hiniga Hond umchastiahn.
A Raketa tian m`r iatz no in Himmel auchijaga,
damit die numma lang mit d`r Baustell musch umchaplaga.

Würthenberger Claudia u. Armin

Claudia geht mit dem Poppawaga oft spaziera,
die frisch Gurnauer Luft dia die Kinder gera inhaliera.
D´r Armin hat derweil epas anders auspropiert,
er hat an Kajakkurs absolbiert.
des Kajaken isch zwar gfährlich aber schia,
es hat koasa er will des no länger tia.
Claudia,di werts ou´no terwischa,
und ma sieht die mit am Boot Sanna acha zischa.
Die scheiba lassa miar iats aucha sauða,
die liegt nocha vor enkerer Haustür dauða.

Fam Landerer Franz Elfriede

D´r Franz und Elfriede haba ihre Töchter gera d´r huam um´s Haus,
da messt der Charly und Brigitte glei da Bauplatz aus.
D´r Franz wert nocha den Bau mitkoordiniera,
und fleißig die Mischwaga kontrolliera.
Der Aushub isch ja no nit passiert,
der Zeitpunkt hat ins brennend interessiert.
Franz du hasch no gnuag zum springa,
drum lassa miar no a Raketa aua singa.

Marth Christiane

D´Christiane tian m´r in Gurnau numma so oft entdecka,
miar haba keart du tuasch die öfters im Paznaun verstecka.
A neue Wohnung tuasch mit deem Freind o schua baua
und nocha wahrscheinlich ins Paznaun abhaua.
Zum Schluss tian m´r no an Böller anreiba
und dia Scheiba b´sonders weit außitreiba.

Fam Marth Edmund Helene

D´r Somsti isch d´r Helene heilig, do geahrt si ins Cafe
döt kimmt ihra noch so manch guati Idee
Bama Ratsch´r weard nocha diskutiirt,
dass ma am Nochmittag mit´m Edi ins Paznaun kutschiert.
Do weara si mit Rot und tot d´Jugend unterstütza
und ba manch´r Orbat ou a bissli schwitza.
A Raketa tian mar nou in Higl auchjoga,
weil glei amol seid´s es zwoa alluan in enk´rm Haus auf d´r Soga

Fam Schultes Hubert Brigitte

D' Pension wird d'r Hubert schua genießä
ob'r wenn d' Brigitte nit dahuam isch tuat er v' rdrißä.
Sall sieht man oft zur Haltstell marschiera
um d' Gitti ob z' hola und huamspaziera.
Mit'm Motorradli draha sie ou ihri Runda
und tian ganz gmütli d' Gegend erkunda.
A Raketa iatz no achasingt
dass dir d'r Verandaumbau guat gelingt.

Vogt Herta

Marschiera, Kneippa und Fahrradli fohra,
bar Fitness tuat d' Herta überhaupt nit spora.
Mit'm Erhard Berger a Radltour mocha,
dös tat ihra g'folla, sall war decht zum locha.
A so a Begleitung, wissa miar genau,
baut Dein Kondition nou mia au.
Dia Kondition kansch Dir ober hola,
wenn ins halfsch, d' Fiurwehrschräuch aufrolla.

Vogt Stefan

Hoffentli hot's d'r Stefan schuan überwunda
weil im Summer isch sein Auto bam Hoachwosser in Solzburg v'rschwunda.
Grenat hots togaus togin
er hot lei mia kenna schaua , wia sein Auto schwimmt dahin.
Daß Dir so eppas numma konn passiera
tuasch Dein Auto uanfoch z' Gurnau parkiera.

Vogt Helga

D' Helga isch beruflich viel auf'm Ries
brauch weard sie londauf-londob sall isch gewiess.
Miar kenna dös schua varstiahn,
weil Psychologie brauch d' Leit olli mia.
Daß Du in deini Patianta olli konsch a Ruah ichabringa
lassa miar Dir nou a Raketa singa.

Volbat Hubert+ Ingrid

Daß der Hubert und Ingrid wohna in Hamburg douba,
kenna mir foscht it glouba.
Er isch mit dr Ingrid bei ins 2-3 mal im Jahr.
Deis isch nit übertrieba sondern wahr.
Wenn er Schifahra geahrt tuat er ou zum Liftgschäft loufa,
mir hoba g'heart er will a Schneekanone koufa.
In Hamburg isch alles Eben o Graus,
nu uan Hügel isch in der Näh von seim Haus.
Dr Hubert tat mit dera Schneekanona an Rodlbichla mocha,
mir glouba die Nachbarschaftskinder tata vor Gaudi locha.
Set deis gelinga und du a Schneekanona koufa,
wera sie dei Werk Hubertushügl toufa.
Dies Schneemocha sell di nit zuviel in Anspruch nehma,
daß nou konsch zu ins keima.

Marianne -Gerhard Kopp (Gäste BRD)

Dia Koppmanns loassa si's nit nehma,
dass sie zu ins noch noch Grunau zum Scheibaschloga keama.
Der Gerhard isch schua im Jänner do hear kutschiert
und ho für'n Kassunnti a Platzli reserviert.
Dös mocht ins schua a groaßoi Freid,
drum weard ou a Scheiba in d'Gluat inchagleit.
Weit sett sie fliega dia Scheiba für inseri Gäst
dazua winscha miar dear Familie nu s'bescht.
Und dass es enk weiter guat gfollt z'Gurnau auf d'r Soga
tian miar nou a helli Raketa auchijoga.

Larcher Mathias

Dr Suzuki Swift und die Simone,
sei boade gar nit gonz ohne.
Mathias hobasa dir da Kopf verdraht,
dass fascht kimmsch zum Orbeita z'spat.
Wie selsch deis ou unter uan Huat bringa,
wenn ma va lauter Liab hin und her muaß schwinga.

Fam Larcher Peter Margret

D' Peter sieht ma mit Sackli in d'r Wiesa umchaloufa
iatz fongt er eppa on, da Misch kiloweis z' verkoufa.
Wia sis für so an Groaßbaur grad so g'heart
uan Schlepper isch zwiani er brauch nouan zwoats G'fährt.
Wenn dear geiht, nocha louft er sicher nit still,
ob'r er geiht nit weit, nocha steiht dia Mühl.
Er hängt uanfoch sein zwata Traktor on
dass er ihn wieder huamschleppa kann.
Ob'r wia jeder kennt, dean Peter' Bua,
voar dös Werkli nit louft, gibt er kuan Ruah.
An Böll'r lossa miar nou vom Tisch
und freie ins, wenn der nui Schlepper nocha fohrtaugli isch.

Larcher Carmen

Die Carmen betreibt's gonz intensiv,
am End vom Tag isch sie nachtaktiv.
Nachtschilaf isch der große Renner,
deis isch eppas für wirkliche Kenner.
Ou secha mar sie am Abad loufa,
dazua isch sie sogar gonga an Pulsmesser koufa.
Der Höhepunkt der sportliche Leistung im letschta Johr,
in Wien dunta der große Marathon wor.
Dazua tia mir die saggrisch louba,
weil in der Ronglishta worsch du ziemlich douba.
Tua deine sportliche Leidenschaft nit übertreiba,
und ou a bissli bei ins da bleiba.
Sitz die mit deem Didi gmiatli auf a Bank
du bisch ja eh so schlonk!

Schütz Florian

Der Florian hot's nach der Matura z'erscht amol mit Orbeita probiert,
noch longam Überleiga g'seit es weart in der Großstadt studiert.
Er fährt aber decht all Wocha Huam aua,
vo lauter Huamweh in Mamas Kühlschränk icha schaua.
Wenn er da isch, geht er Schifahra und ummastrawanza,
und a bissli seine olta Kumpl pflanza.
Wenn er aber wieder unterwegs isch in die große Stadt,
er im Rucksack vo Mama die halbe Speis mit hot.
Flo miar tia deis schua verstiah, du kensch it dafür,
deis liegt an der hochha Studiengebühr.
Dass dir die Studium ou gelingt,
a schiana Scheiba Aussa singt.

Schütz Caroline

D'Caro trifft ma in letzter Zeit oft in Innsbruck an,
da isch sie seit Herbst an am Studium dran.
Management und Recht hoast die Gschicht und isch sicher nit leicht
weil wenn ma deas pockt hat ma d'Magistertitel erreicht.
Damit d'r beim Studium als gelingt,
an Böller ganz laut im Feuer erklingt

Fam Schütz Egon Sissi

Mit der schiana Raketa die iatz marschieret,
die Fuirwehr dem Egon zum 50-er gratuliert.
Um 6 hat sei Schwester mit am Sekt ongfonga,
und sou isch es da gonza Tag weitergonga.
Die gonz Nacht hat er sich mit da Gäst um d'Ohra ghaut,
und am negschta Tag da Sonnenaufgang anschaut.
Sogar an Bierboum hots zum Geburtstag geba,
der Egon sell hoch leiba.
Ou d'Sissi isch beim Fescht it verdoart,
sie hat fürs leibliche Wohl beschtens gsoart.
Egon tua's aber nit übertreiba und gönnt dir a Ruah,
iatz geasch dein nächsta Runda dem 60-er zua.

Huber Susanne

D'Susi isch a fesche Frau, sall wissa mir genau,
deas fällt sogar die Fotografen au.
Vom Fleck weg weart sie engagiert
und damit ou die neueste Wintermode präsentiert
Susi du wearsch eppa nit no Karriere macha
und aus die berühmtesta Modezeitungen lacha.
Am Laufsteg tatsch die sicher ou guat präsentiera
da miaßt die Claudia Schifferer sicher hinter dir marschiera.

Fam Huber Robert Gabi

Weil dia Bäum ums Haus z'viel Schatta werfa
hat d'Gabi mit'm Hans Robert huiru mit auf Teneriffa derfa.
Do hat sie d'Sunna richtig genossa
und um dia Fichtabäum nit v'rdrossa.
Dia Idee zum die Bäum umschneida war guat und schlauch
weil iatz scheint'm Robert beim Rosamäha wieder d'Sunna auf'n Bauch.
Iatz lossa miar no a Raketa bohra
weil dei Aussicht isch ou großer gwora.

Fam Rainalter Ekehardt Hella

Beim Eki bleiba m'r iatz stiahn und lossa glei a Raketa marschiera
und tian ihm recht herzlich zum 60-ger gratuliera.
Im Grinner Gemeindesaal hosch keat a große Feirerei
und da wora viel Freind und Verwandte dabei.
G'essa und trunka isch da gwora bis in der Fria
und sogar d'r Eki hat deas packt ohne Miah.
Dass d'r Eki an innovates Unternehmen führt isch überall bekonnt,
drum hat er s'leatscht Jahr in Deutschland kriagt an europaweita Preis in d' Hand.
Dös hot sogor s'Deutsche Fernseh präsentiert
wia d'r Ekki und d' Hella mit ihre Ideen dia Firma fiaht.
An Böller lass m'r iatz no krepiera
damit du konnsch no viele Jahr Dein Unternehma in gonz Europa voarfiahra.

Rainalter Ekehardt

D'r Eki hat s'leatscht Jahr sein Zivildienst bei d'r Rettung quittiert,
und danach für 3 Wocha mit am Wohnmobil in Schweden und Finnland campiert.
Aber weil deas wohna in so am Camper isch gar nit fein,
hasch d'r für sei Studium in Innsbruck g'sucht a nettes Heim.
Architektur tuat er iatz studiera,
damit spater kannsch viele schiane Bauta konstruiera.
An Böller lassa m'r iatz no kracha,
damit im Studium hosch no viel zum Lacha.

Scheiber Robert

Im Robert hoba mir nou it amol gratuliert
derweil hat'r die Gesellenprüfung mit Auszeichnung absolviert,
und die Prüfung hat ihn derart gschlaucht,
drum hat er decht glatt für sein Führerschein a halbs Jahr braucht.
In Grins beim Bäck hoba sie ihn a bisserl vergrault
na isch er einfach auf Anton abkaut.
Bei der Arlberger Dorfbäckerei hoba sie ihm ohne long z'foga
a rießen Auto ontrage.
Iatz tuat er mit dem Karra im gonza Bezirk umamaschiera
die Semmel austroga,
und wenn er damit fertig isch
so hin und wieder Gurnauer Einfahrt blockiera.
Mir kenna ihm sinsch eigentlich nix nochsoga
und desswega lossa mar iatz die Scheiba übern Bichl och a joga.

Fam Scheiber Helmut Martha

Im Wint'r loat d'r Helmut d'Imkerei ruaba,
und geiht olli am Vormittag schifahra mit seine Buaba.
Weil am Nomitag isch nocha d'Martha dran,
da trainert sie d'Familie viel Kondition an.
Deas isch aber nit gnuag, sall war deacht glacht,
drum giahn sie ou nou schifahra bis spat in d'Nacht.
Für'n Unterstand sogä miar ou insert Dank,
und lossa nou a Raketa vor Bank.

Fam Grießer Hubert Rosmarie

Iatz loss mar an Böller krocha
und Station bei Familie Grießer mocha.
Beim Pforrgemeinderat vorna drann,
zoagt er, dass ma d'Gurnauer überall hoba kann.
In Pians drinn isch er recht aktiv,
seine Frauä halfa mit, da louft nix schief.
Beim Würstla kocha oder Wein ausschenka,
da kann man hoba,des tatsch gar nit denka.
Singa kann er ou, miar tia di beim Männerchor erblicka,
sing ins eppas amol voar,
vielleicht kannt mar die s'negscht Johr zur Starmania schicka.

Fam Schmid Harald Angelika

Dar Harald, für alle dias deas nou nit gwisst haba,
isch wieder zum Kommandant der Löschgruppe Graf Gurnau gweahlt woara.
Für sei Engagement und sein Einsatz mechts' mar ihm alle dankschian sogä,
und glei die weiteschte Scheiba übern Bichl ächa joga.
Aber Kommandant sein isch im Harald nou nit gnuä,
er suacht sich nebam arbeita ou nou a andere Beschäftigung darzua.
Beim SV Landeck hat'r iatz an Trainerjob und tuat det di Schüler/Knaben trainiera,
und kann dabei glei die Leistung vu seim Bua inspiziera.
Im Winter isch'r Schilehrer ou dazu,
ja sag amal dear kriagt ja wirklich nia gnuä.
Lassa's amal a bissli ruhiger angiahn und mach deiner Frau wianiger Kummer,
du darfsch nit vergessa, dar jüngste bisch ja ou numma.

Fam Schmid Helmut Linde

D'Moosbeer sei reif und s'Wetter isch schia,
dr Helli sottelt sein Jeep und will ga suacha (brocka) giah.
Er braucht do kua Hilf dazua,
ou s'Handy bleibt dahuam, ma will so sei Ruah.
Um fünfa heart d'Linde im Tol drin a mords Gwitter krocha,
do fongt sie longsom on sich Soarga mocha.
es nachtalat schua, olli wieder schaut si auf d'Uhr,
es weart neina und vom Helli olli no kua Spur.
Iatz holtat si's dahuam numma aus,
si hockt si ins Auto und suacht da gonza Seaber Wold noch ihm aus.
D'Schandi sei schua alarmiert
iatz bleibt nu no d'Bergwocht, do isch sicher wos furchtbors passiert.
Um zehne auf'Nocht leitet dahuam s'Telefon,
und iatz rotets amol, wer do isch dron
dr Vermisste hot si verhockt bei a poor Kumpls und a poor Schnapsla,
und braucht iatz huamwearts a Taxi
Helli, wia hosch des eppa beibrocht deem Schatzla?!

Fam Juen Hubert Erika

D'Erika sieht ma öfter auf Grins aua giah,
weil d'Fraua im Oltersheim sei ou geara schia.
Sie lassa sich d'Haar wascha, schneida, lega und richa
und darzeila zum x-ta Mal ihra Lebensschichta.
D'Erika nimmt ihr Service ernst und macht des komplett,
wenn's braucht bringt si ihr Kundschaft danach auf's Zimmer bis ins Bett.
Die Prozedur weara die Weibla gera onnehma, deis kenna mar verstiah,
aber Erika, was tuasch du mit dena, daß si schua inschlafa unterm giah ???

Fam Juen Josef Paula

Dr Seppl har sich denkt
für Landwirtschaft brauch i was, und hat sich selbar eppas gschenkt.
So isch er zur Genossenschaft gfoahra
so an Mähtrack war deis Wahre.
Iatz kann er in dr Wiesa umagratla
und deis Haa auf'd Moda zamabacktla.
Lieber Seppl uans isch gwiaß, des kannsch ins globa,
fei war a Mähwerk vorna douba.

Juen Monika

Iatz gloaba mar's nocha gonz,
dass d'Moni ins verlasst und zum Andi ziacht auf Stanz.
Da Plan fürs Haus habt's schu in dr Hand,
die Bagger sei bstellt, bald weara stiah die Wänd.
Des Haus weard aus'm Boda schiaßa
und Gurnauer a bissli um di verdriaßa.

Fam Siegele Waldemar

Im Summer sieht ma da Waldemar um sein Baum umarena
d'Kearschna sei reif und er mecht a guats Schnapsli brenna.
Des war ja schad, wenn ma so an Haufa hot,
und sie am Boum doba verfaula lot.
Waldemar wenn mar d'Scheiba kassiera,
loss ins decht a Sipfli probiera.

Siegele Werner

Die Natur tuat im Wenno b'onders guat gfollla,
weil sobald die erste Schneeflocka falla tuat sich der Wenno sei Snowboard anschnalla.
Im Herbst tuat'r sei Auto schua alli auf den Kaunertaler Gletscher aucha ploga,
damit'r konn in gonza Tag über die Pista joga.
An Helm tuat'r dabei o alli ausetza
denn ma kann sich beim wilda fohra glei amol verletza.

Siegele Gerd

Für deis Sprichli vom Siegele Gerd
kimmt ins huira nit ollzuviel in Sinn.
Ma tuat vo dir nit viel darfroga
und dein Papa tuat deine Ausrutscher ou nit sogaa.
An Böller lassa m'r iatz nou kracha,
damit m'r neagscht's Jahr wieder a längeres Sprichla kenna macha.

Siegele Angelika

D'Geli tuat fleißig Tourismus studiera
und ihr Talent im Summer in Seefeld ausprobiera.
Weil's ihr bis zum Winter dauert z'long,
schnollt si sich breits im Summer ihr Brettli on;
nocha sieht ma sa im Kaunertol dinna,
im Schnea ihra Kurva schwinga.
Auf d'Nocht geahrt si fleißig aus,
do trifft ma sa überoll vo Ischgl bis noch Serfaus.

FA Maschler Karl

Ou wenn di Konjunktur derzeit auf Sporflomma louft,
Auto weara olli no geara kouft
so hoba mir des in da Nochricta keart,
und hoffa, dass deis ou stimma weart.
Im Karl wünsch mir für's nägschte Johr,
an heida Umsatz, sall isch decht klor.
Zum Schluss joga mar no a Raketa aucha,
Guate Auto weart ma olli braucha.

Fam Juen Klaus Anna

Schneidig legt er si mit seim Rodl in d'Kurva - der Klaus,
und wieder geiht si an Stockerlplatz aus.
Da Bezirkssieger hat er in Spiss doba gmocht,
miar hoba schua gsecha, wia er aus der Zeitung locht.
Sport isch schua recht, des haltet uam jung,
Klaus miar winscha dir weiterhin recht viel Schwung.

Thöni Maria

Im Winter weart d'Maria geara in d'Stonzer Leita aua gia,
ober iatz isch es bei ins in Gurnau dunta wieder genauso schia.
D'Fuirwehr wünsch dir für deis Johr viel Glick und feina Stunda
wenn d'Sunna scheint, drah decht amol in Gurnau a kluana Runda.

Zöllner Heinz Gäste BRD

Dia Scheiba tia mar weit außa schiaßa
und die Familie Zöllner bei ins begrießa.
Schua viel Jahr kema sie auf Urlaub zu da Schmid
deismal bringa sie sogar di Svenja mit.
Im Werner und da Svenja wünsch mar viel Spass im Schnea,
dr Ossi und im Heinz viel Sunna im Liegstuhl in Sea.